



乾隆壬子新鐫

京山易履泰編

熊劉詩集

名山閣藏板

序

詩文不待叙而傳也待叙而傳者必  
棲岩飲之士素無香名有所撰著則  
必假登高者挈之以行如左秘書賦  
成而請叙於元晏先生是已若吾楚  
熊劉二公文章膾炙海內其有韻之

序

一

言詎必待叙而後傳哉余束髮讀一  
公制藝賞其古調高唱謂此乃班馬  
手脫為詩歌便與屈宋分席惜也其  
集不傳幾有於子因為不能詩者癸  
巳習諭石壇得二詩鈔本珍同瓠史  
顧字多錯訛尚不敢壽諸梨棗貽誚

燕鄧辛亥秋教授沁陽搜求家藏板  
讐亥豕而彙梓之顧始遂嘆字詩文  
一貫耳而兼者顧難操觚家每為帖  
括所縛固不克咳唾珠玑樹幟騷壇  
而潛心推敲者縱使指畫旗亭制舉  
業則又罕工焉豈精者專淫未暇旁

及歟將韓柳歐蘇之俱優者異代遂  
雖嗣響歟得熊劉二公乃知兼才大  
力雄視一代不治以詩名家自能  
分八股之餘與王阮亭朱竹垞輩分  
道揚鏤豈不偉哉獨念二公自開國  
以來名在天下嗜其文者諒皆如誦

其詩即吾楚汲古情殷豈乏人卒  
未有竝輯而傳之者而必待其責於  
株守青氈庶無所建白之僉斯云  
異矣且使余非棲遲邵月又安得克  
償夙願呈余之來漢若專為芥役而  
束區區韻事倘亦有數存耶梓既成

爰法其顛末於首以見吾執鞭忻慕  
之意庶幾叙附詩行敢曰詩待叙傳  
於

乾隆五十七年歲次壬子蒲月京源

後學易履泰眉川氏書於漢陽

郡學舍

原序

國家以制科取士人文鼎盛一時雅化與菁莪  
棫樸比隆然廿餘年來文章衣被海內家傳戶  
誦奉為矩矱者吾年友學士鍾陵熊公尤稱宗  
焉顧天下之人莫不誦法公之制義至其所為  
詩古文辭則或未盡知也已酉冬公不幸歿於  
京師令子元獻冢君守凍河濱哀毀之暇不忍

原序

熊

使公遺文散失因收合詩古文辭彙為一帙走  
使而請序於余余讀而嘆曰吾之不足以盡吾  
友者有如是哉夫世之爭長詞壇者詩古文辭  
但求備體人各梓一編相投贈以號於人曰能  
為詩古文辭也人亦從而稱之曰是能為詩古  
文辭也嗟乎其果真能詩古文辭耶抑亦有所  
慕而為之耶今鍾陵之文原本六經出入於史

遷班固緯之以韓歐諸家近則服膺震川庶門  
而逼似虞山可謂得文家之正宗已詩以風騷  
為鼻祖而漢魏三唐皆能別裁偽體形之篇什  
要非無所深造而然其備美如此廼猶深自謙  
抑不輕示人人遂莫得而知之交好若余至今  
日而始得窺其蘊是豈人之所能及也歟抑聞  
公生平無他嗜好自少至老朝夕手一卷不置

方仕宦在京師與吾輩相過從酒闌燈炮猶語  
文事恂恂如儒生故才長學博能自樹立為文  
章當無俟後有子雲而知之也雖然公非徒文  
人之雄也公歷官二十年不妄交遊徵逐又溫  
厚和平弗立崖岬望而知為大人長德易箒時  
惟以不得澤及民生為憾無一語及私使天假  
以年得盡其用勲業必有可觀而惜其未竟余

故並著之以示後之讀公文者若夫前人之所  
未及設施在後人力圖繼述而光大之是又為  
之友者所深望不獨謹守其遺書已也元獻勉  
乎哉

年弟王清拜撰

原

熊劉詩集

漢陽熊鍾陵先生著

京山後學易履泰眉川甫纂

男大校字

五言古

移居

求安人所願予寧不謂然流日觀天地久暫歸化遷  
壯夫營山海寧為世情牽中原方震驚鳥駭不能還  
而我幸安閒誰望擁百屋貧家輕轉徙容膝勝顛連  
出門仍灑掃庭草惜餘妍匪辭新主怒但感久周旋





卑棲謝華屋尚無棄舊愆

哭大父示仲叔兩弟

失父年十六七年祖又離父死有老祖祖死無長兒  
罹茲兩大感聞者亦傷悲憶昔吾父喪男女五童癡  
白髮任拮据男婚女結褵三男旋抱子負志頗能奇  
修身而保後天高聽且卑何為窘我步一第獨遲遲  
我祖蓋古人富貴非所知壯盛遊京華六館識威儀  
感時賦歸來誦讀慕雍熙身榮且不計肯令後人為  
大孝在繼志為善務孳孳我祖懷豫章勤儉似唐遺

逢人說文毅

江夏郭明龍先生謚文毅與先祖為好友

才美守不移即茲

二者意歸求有餘師

聞襄陽陷

喪亂雖天意積釁豈須臾情面耗民命饑饉助之驅  
十年延盜賊今乃造其邪狂夫畏折柳賊仁我謂愚  
襄土多王孫一旦為軍俘王心重雪恥聞變或長吁  
儒冠難報國恨不躬執殳倉皇宋督撫割愛別妻孥

時撫軍買妾省會聞變乃移師鄰郡

輓徐隨州刺史

負翁言集  
予未得交中明使君會其子質可晤予漢上痛哭  
乞言感而賦此質可亦越之名士也

坐嘆天下士賞罰何足倚我聞城屢陷不聞官守死  
身死國已辱聊復存大耻惟我中明公一門殉軍壘  
隨州舊戰場殘垣周二里賊騎東西馳倦或一棲止  
安危委州官羽檄若充耳視事在庚辰慘淡營荒鄙  
雉高家產竭典衣買弓矢新丁怯且驕給食如畜豕  
鄰邦尚醉夢微臣胡敢爾今古實心人規模亦止此  
時勢困英雄賊謀何太詭百城非所慕寧殺能刺史

大道無成敗州亡勞可紀頸血酬民社君子安厥理

愁來三首

愁來何所自自我同胞發母孀思慮多辛苦念存歿  
有姊困危城消息來恍惚男女纔五人聊以慰白髮  
遠道長相憶忍復令一蹶誰為廟堂謀四海保肉骨

其二

愁來何所自自我友朋積死者徒有孤生者貧無宅  
餘子頗自存能無異肝腸眷彼山中松相知惟有柏  
借問一鮑外誰憐三敗厄同心而求多自反先失策

其三

愁來何所自自我清夜始入俗常苦深入道常苦止  
高冠攘時名填胸無經史偶披少陵詩疑字猶滿紙  
因思百年內歲月何其駛飲酒食肉糜無乃忘厥耻

剔松

士不躬採樵陰雨厨烟遲兒童志朝餐衝風抽茅籬  
茅籬亦易罄竈冷火不支綢繆問晨夕馬為萬物資  
掩卷輟清歌出戶度林陂青青山下松頼爾繁孫枝  
豈不愛遠揚緩急雨所知憐我歲寒人屈首作屨屨

向李雲田糴穀

笑予束髮後無故好詩文古人誠不祥困窮尊所聞  
率爾臨大亂身與秋葉紛未壯已衰暮得食良辛勤  
富兒感旱魃閉廩助炮焚我金不盈握只堪持贈君  
君非厭餘粟惜此寥落群浩歌視金盡君釜應斷饋  
春風二三月相對咽烟雲

明妃詠

名花有飄落豈必著房櫳遠嫁不有命豈必守漢宮  
間世生紅顏那堪憔悴終一朝辭天子顧盼失雌雄

魚鑿詩集  
容華照絕域甥舅竟韜弓回視鸞臺伴寵極翻途窮  
一御何足貴恩深悔恨中千金倘自薦孰奏和戎功

讀史偶成

大哉魏周市兒命勝廣徒扶義立寧陵五反定厥圖  
得仁不得國固請者何愚既馬死師敗君亦焚其軀  
鉅鹿凶終日按兵索頭顱刎頸猶棄捐事人寧弗渝  
至今臨濟血何如泚水誅

自秦西薇草堂歸咏詩為別率爾步韻

風雨三春盡歡呼五月初君能甘薜荔我自愧瓜蔬

事業如繁露文章老一墟子雲原寂寞何用到門車

喜雨

帝心本仁愛萬物無終窮密雲隱夏林天地若混濛  
涼颺覺秋生南山起豐隆含笑理溝洫流泉何颯颯  
三農初滿望須臾歛神功懸知清切地齋心六事中  
何如漢天子乾土付蒼穹

內丘遇雨

京洛苦不歸道路苦不逸千里負暄來詎謂雨師嫉  
陰陰二儀交勢欲傾白日黑雲埋邢襄冥濛隨祖乙

寒帷洗我車沙滿競崩溢液沾牛羊亂樹滑鳥銜恤  
浸潤亦已勞青松轉翠律游子熟故鄉薄裳忘寒慄  
豈不惜徒御日暮強相叱城郭辨微茫柝聲聽仍失  
宴息會有期君子無終室

依韻答程五玉孝廉

大雅久不作流俗自相師束髮彈廣陵四海絕墳簞  
吾子起南州歛然泣路歧奉身如璫璵磨錯何所資  
毫素寫劬勞南陔道未衰文章一小技萬世云誰思  
冬至後一日昆陵阻冰

目我客杭州賣馬充旅食長河亘我前歸棹堅冰塞  
豈不遵大路徒行畏逼側鄰舟富家兒安能待頃刻  
牙檣棄如遺紫駟黃金勒含笑倚雕鞍翩翩生羽翼  
惓然思我馬夙昔忘其德縛木擊凝流千艘銜尾逼  
拙者為其勞我友庶宴息側聞父老言天意真難測  
此水三十年未覩寒冰色宮中奏南薰一陽正司職  
羲輪旦旦升雨雪悄然匿此冰胡為致勿乃河伯慝  
歎息告河伯爾威不可極防海徵樓船雲帆列如織  
吳越衣帶通食貨轉輸亟坐凍似坐獄徒爾竭民力

魚鑿言集  
我固憇牛羊爾亦忘軍國我本迍邐人所少非荆棘  
後舟苦相侵前舟苦相抑縱然放舟去天河渺難涉  
言已冰忽泮中流清且直河伯雖不仁念我猶惻惻

大梁道中

帝京何煌煌車馬何彭彭所思隔冥阨涕淚霑衣裳  
窮冬望春風春風多感傷夙昔無歡娛如何今斷腸  
憂樂固倚伏意氣詎能忘侯嬴已千載中情誰與將  
活人問盜蹠為謀亦荒唐鄙哉鷄鶩情羣飛垂稻梁  
郟城贈荆勅五同門

野草碧絲絲垂楊綠欲齊羣鳥一何樂和鳴高且低  
是時逢我友攜手夕陽西七年一相見乍喜還慘悽  
同谿桃李花飛飛不同棲風吹忽復合顏色各已鰥  
登君郟子城淑氣扇春畦我來三年前猶聞虎豹啼  
狐鼠坐館垣王人宿蒿藜長者何所為芳菲變舊蹊  
邦本惟民社錢谷豈塵泥公卿不作令國計終轉迷  
敬君為君飲明發征馬嘶相期崇令德終譽此烝黎

滎澤早憩

上車呼僕役下車接長官耳目託紛拏轉覺客腸寬

荒莊一以靜繁憂莽無端塞雁來沙漠陸犬過河關  
莫怪黃河水轉徙無安瀾

飲酒聞邸報

淡淡衛河酒恹恹豫州春既慚曉事者不飲空風塵  
驛吏手一編諫草及明綸豈不逢堯湯水旱一何頻  
陳公言入道李君諫逃人柏臺入事切遼海痛孤行  
若非聖明世此論何由申讀之不敢嘆嘆息畏人嗔  
呼兒且復酌一醉慰沉淪

銅雀臺用壁間韻

男子幾人帝女子幾人美好戰與好色古人誠偶爾  
曹公亦雄才遭亂多僭侈誰知奪喬難不似漢家璽  
兒丕當孫劉群妾護香履謀身及千秋終焉仍一死  
何如館娃宮佳人曾徙倚

樂城感懷

我來黃河口流民爭南徙舟子不敢渡恐為逃人詭  
舉篙擊流民舟中可掬指我行又九日襁負仍櫛比  
夢夢向前去異緩須臾死寧知行路難破家誰容爾  
太息問蒼天死生亦大矣受氣為雞犬還應有生理

負鑿言集  
河北潦不乾河上工不止肉食者何人驅使泥沙委  
史官時所卑民窮發深耻當日韓山童乃自樂城起

送朱開子南歸

初至問歸路笑君一何忙相笑曾幾時離筵忽已張  
一年坐夜分述舊但迴腸晨夕不為樂斯須徒徬徨  
君今草堂去莫又負流光慙勤慰白髮努力烹羔羊  
良辰招所歡襍沓列酒漿常恐春風發行邁正未央  
我本舊家子偶爾落名場四十不抽簪敝廬永相望  
君尚可歸離群安足傷

沈繹堂備兵大梁贈別

長安百日雨窮巷封泥泥商風吹幙帷思與秋旻邈  
清盼枉休文吟嘯沈憂濯忽言從此逝離緒紛難搦  
述舊悔前疎板歡詎後確正聲鳴黃初把卷如面權  
了了此平生寧必拱揖數遡汴喧樓船列城嚴鼓角  
露冕騁西眺二室欲騰躡男兒制千里意氣誠瑋聲  
山水亦私君劃然割河嶽鄙夫怨周南梁園散大樸  
澹蕩涉修塗是為君所學

王亦世成進士歸里



魚鑑詩集  
早歲鋒無敵光醜觸干莫沈寔二十載翩然翔寥廓  
天留曠代姿老使歸矩矱文章信有神徒侶耀京洛  
公卿高會同欣賞聲紛錯負我夙昔期不果金門約  
異世慕相如斯人乃高閣逝將肅南征商飈淡巖壑  
我我進賢冠萬里秋衾薄

五月三日將之永平宿豐潤乃聞雨

大旱連畿輔我行酌泥漿列城策修救但不刳豕羊  
持此格皇天天意亦感傷黑雲忽下垂灑落動微涼  
淒聲淡煩慮盈耳奏琳瑯驚風來散亂雨氣恐不揚

道路雖辛苦何如歲事荒前途二百里但願減帷裳  
雨止嘆

枕雨成酣夢夢回雨已止早知潤物難雲薄不可倚  
竭來喑喑聲樹乾鳥雀喜太息謂鳥雀靈堂昧生理  
雨露首尾濡雨絕稻梁死稻梁無復謀何以哺爾子  
潞河發舟將一月未抵東昌聞二弟久俟河干

悵然有作

膺仕非本性返棹投江表不辭沿沂長畏此赤日晶  
况當運艘來徒旅敢輕藐倉皇鷁首交惆悵河身小

官舟如拙宦趨利避疾慄一水自屈蟠風帆眩反眺  
選泊罷宵征攤書趁清曉時復抵要津仍為冠蓋騶  
有弟宰殘城三歲茹荼蓼當遷猶齟齬名譽空皎皎  
作吏無中外不在公事了安得一樽酒閑寫心中悄  
寄書月初生奄觀及西眺誠哉同谷歌情急東飛鳥  
送汪淶水令定安

近交俗所賤舊雨若晨星君與江高州頗不棄沈冥  
取次向南越君更揚遠舲難言作吏好驅歌遂忍聽  
輿圖軼漢大朱崖久勒銘握符輕萬里有如室適庭

回首望庾嶺濛濛一髮青寒惟潮色動風雨集百靈  
惠井吳山似生黎法酒馨所懷非寶玉竟可廢蒲刑  
清華君自有奇游人未經金廬說碧海軒渠撼索鈴

七月一日晴川閣讌集

祝融淹積威少昊弭爽節徙倚憎房櫳竦躡恣登躡  
雲構入微涼蘭卮異常設眸酸舊戰場齒冷新碑碣  
谷口帶輕風臯橋濯餘熱移情壁潤賢發興火攻烈  
北望芳草洲酒悲起嗚咽彌生能日飲終當全明哲  
浮名著人身直如醉眼纈欣矚山川美詎厭倡優拙

遐哉弄珠遊一石負燭滅含情向前期奄觀霜輪揭

七夕代牽牛贈織女

不敢息機杼何能避服箱惟餘今夕會終古無更張  
罷梳斜月鏡帶夢倒雲裳斯須鳳軫迴華寢凝餘香  
愁見填河鵲童禿似啼粧但與人間巧雙栖乏好方

代織女答牽牛

休目晨暉動撞胸流水湯心知從此別且復戒神傷  
一從事君子了不記星霜來往既分明率土睇河梁  
妲娥背夫婿婺女怨孤光年年有今夕今夕與天長

莫將離索意決絕比參商

送青柯侄還新建

秋葉辭木根離別兩不知難堪退士懷違此瓊樹枝  
諒為橫海鯨楚瀨豈能縻暫卧南浦雲行遊天漢湄  
顧我世所棄獨謂叔非癡寒壁樂晨昏被服蒙塵緇  
一朝懷往路鬱抑情不怡衰柳不可折樽酒能幾持  
相看既努力執手難為詞惟餘徑寸心逐子千里馳

雨中戲柬楊鄂州促所許南酒時余賭碁偶吐  
博奕志不遠古人以為耻况復屬天幸下駟蹶駟

伏櫪千里情撞胸良未已排解仗歡伯百壺漾清泚  
發紅遮面慚祛慮令心死暑雨作秋霖更苦青蠅哆  
歛手對空枰如過喪師壘心期中聖人斟酌憑楊子  
小戶寡鑿哉吳酒不全旨果汲錫山泉還浮鄧尉藥  
可得黑甜成何必黃流美譬彼角文場失志飲墨水  
蔣虎臣先生為八十翁于咸老微詩稱壽賦此

贈之

有美於公門累世垂珠箔披誦虞山書往往見里爵  
朝論與友義出處各有托吾敬蔣先生人倫待斟酌

彩筆寫遐情藐姑想綽約家曾督八州心甘長一壑  
涓滴八十翁發機混沌鑿縱然表青社不得遊碧落  
羨君計不非辭榮成大藥一食生毛羽三神可距躍  
遙知拍洪崖共看滄波涸低摩百尺松弱弄千年鶴  
連雨屋漏不得與虞菴作七夕愴然書寄

及秋宜好雨炎夏無餘燭雨勢一以成白日今焉託  
薄祿難擇居房櫳淹積濩衾枕亦播遷圖書竟束縛  
忍饑析濕薪蔽身倚懸酒寫憂向良朋滑滑前且却  
傾耳正翻盆一樽香難度今夕復何夕耿耿雙星約

雲霧失明河天上情亦惡此時逐婦鳩應笑填橋鵲  
橫流會有終不眠看雨脚

八月十五夜對月是日秋分

清霜未申嚴戒露已蠲暑秋色淺深間中氣動南呂  
東嶺上金波移輪何容與初照散樓臺流輝入衾褚  
繁星不敢明微雲在何許肅如對正人融潔沁心膂  
長擬宵光正墮崖清興沮好月不安圓感滿難留愛  
感此欲韜光沈冥謝徒侶何必誇勝遊遠觀廣陵渚

寒女

巴里有醜婦不自信龍鍾奏技丞相府賜錦雙芙蓉  
遂有墻間人鞠脛譽聲容相招無衣女抱瑟侍歌鐘  
寒女前致詞鶉結尚可縫生來未教諂難逐子為恭  
送蕭萬興先生還閩

鬱鬱槐柳色慘慘竹柏姿讀書信古人乃為古人欺  
浮沉二十載悠悠不見知自從奉約履真不負鬚眉  
一經昌國綸三管紀民彛江湖日以濁登高望洛伊  
餘事及巫咸宏願補綸絲行窩不問戶晨夕到支離  
許我淡宕人好我悃悃詞起我幽憂疾示我藥石規

魚鱗詩集  
憑將鄭重意老大釋傷悲春風動玉樹鄉月照華池  
一朝揮手去揚舲潞水湄君如歸巢鳥我如失乳兒  
心知萬里遠黽勉說前期懷抱已傾盡不待贈處時  
相思理緒言聊以慰調飢

長源內陞故  
有卿月句

七言古

貧女辭

今年望蠶蠶不收袖手含思坐陌頭陌頭黃雀有雄  
雌女兒年年未嫁時楚王宮中正好老細腰覓食等  
聲小春風春雨斷人腸百年一身難草草一身溝壑

去如歸愁令姊妹無光輝田園荒蕪薇蕨肥勤避霜  
露當深衣市朝走死莽男兒鏡中顏色未全虧

送同年何侍讀省齋南還

有明之戮士氣摧文端志節獨皚皚金馬夷猶關耳  
目土牛蹙躑對崔嵬制下一朝喧火城官妾不知宰  
相名多少膺滂泣國士却無部黨托平生門下二三  
稱密契太倉新建聲華麗朝野分飛老病同何人倚  
作兒孫計况君睥睨與世違生憎拱揖典朝衣祇言  
家法寧狂簡不顧人間有是非悼亡以後更傷神萬

事無過伉儷真讀賦淒淒王武子招魂夜夜李夫人  
 即今天祿肆冥搜御筆親題賜錦裘芸香彤管辭高  
 第柿葉黃庭領素秋亦知榮利君何有欲割須乘刀  
 在手考功法為中顏唐嫌得花磚駿奔走丈夫豈必  
 官禁近可憐辜負君王問何遜當前忍不留賈誼再  
 召誰能信精華雨散黯三吳翰墨風流張晚晉時大  
官學義獻者寧為君比紫蘭鋤可堪我尼黃楊閩君鋤我  
 尼總休論開襟且復倒芳樽行年三十不為少好及  
 朱顏入里門桃葉碧波無冷暖鬱孤白髮有晨昏坐

尋花草六宮夢行弔雞豚五柳村尊甫蓉菴公何以  
 贈君此方寸愁君苦被高名溷放舟恐發白鷗機爭  
 席還防野老怨憚歌阮哭俱非達魚服豫且憑相困  
 叔敖之有優孟憐受恩此輩真長恨

四明長者歌贈史太公見峰

六十年前教化一天下骨肉皆膠漆誰家內行冠丘  
 樊四明長者無其匹長者有母母有妹年年寒食泣  
 宗祀拚將黃口慰白頭母不惜兒敢惜弟弟兄兩人  
 豈是多命也分張可奈何不辭隻影當門戶只願孤

兒謹負荷負荷詎意搖風雨一見腸摧火不舉收淚牽  
車並載歸若及母存母亦許倒甕傾壺傾粟贏得跳  
身湖海曲夜火頻添少婦紅春畦還為遊人綠那堪  
人世不相於一紙錢唐永訣書天風折陣尋鴛羽潮  
水沾裳挽鹿車旅櫬行行迤北域眼血欲乾乾未得  
即看馬鬣草芊芊難遣牛衣聲唧唧共命連根痛不  
禁何論讓宅與分金匍匐終勞三歲婦詎謀要識百  
年心到門老屋編籬小破釜懸罌新簇繞漫擬殘荆  
委露霜豈知併箸更昏曉一兒呱呱視乳溲一兒口

食號脯修一兒十二稍條達大被重茵待勝流長者  
對之悲復歡兄所當為嫂則難却悔江頭傳語日等  
閒只作婦人看吁嗟乎人生兄弟不援手結交刎頸  
亦何有許武公然棄薄田鄭莊枉自慚餬口君如薛包  
產更貧君如李克婦偏馴真如續命雙流湮媿殺懷  
私十往人兩首毒蛇瘞道傍雙環珍鳥宿空梁紛紛  
好事那能說萬古人間一雁行太史稱親無溢美下  
拜君家好父子四座莫喧聽我歌再淳風俗從茲始  
送李過廬檢討分巡懷慶



見君之面在辛未君能文章我蒙賸登君之堂在丙  
子君盛交遊我瑣尾感君意氣軼等倫念我同為失  
怙人乍見便期追賈董久要直欲託雷陳人生不幸  
聲名早杯竿丹鉛太濼剖飛揚跋扈兩孤兒長橋白  
額爭題表崇禎之亂更無家大宅割來稍種麻真率  
渾忘烹雨韭流連頻見剪燈花歡娛詎意林泉短天  
上急徵入材館君思五世暫遲徊我奏萬言竟惘款  
惘款遲徊易地然讒口高張判陌阡漫擬雨雲手可  
作誰知金石性彌堅同朝同署如相約隣比天涯胡

不樂人語碁聲雜沓聞九真風雨連床昨我但狂呼  
酒過牆君忽搔首月照梁屈指再逢月滿夜有夢應  
勞踰太行勸君且盡觴中酒中外踐更亦何有鹿心  
鷄命徧長安列城千騎負君否雷動泥香青入杯雲  
分嵐影碧臨臺仙情詩思紛無數翻悔人從作吏來  
我生四十風塵倦涉世涼涼失婉孌坐看舊識有參  
商寧保新知無貴賤盤谷城西路不多君家高士此  
婆娑肯分採藥三間屋好待行春小隊過不然拂袖  
歸臨嶂君亦功名莫惆悵依舊當年兩酒人當筵野

老空相讓

客有寫青柯小像立馬杏林仰觀春燕者余嘉其意繫之以詞

雲中宮闕連芳樹玉面金鞍拂香霧魁梧不顧子房  
慚和神欲使春風妒海鳥回翔紅杏枝定是郎君燕  
喜時結綺曲江恣騁望思公子今知不知憶我看花  
長安道三十人誇致身早骨相屯遭騎士牛坐見馮  
唐成醜老君今跨下有龍駮鞭影一動道路開便由  
紫陌排閭闔待寫朱顏映上台

題劉方伯西園雅集圖

王郎本是高情客並戀聯茵俱奇碩雲鬟艷質映藤  
蘿不管不絃能動魄樂事由來有盡期荒芹斷葦故  
園迷幸存蘭紙蘭亭在不比蛾眉金谷時龍眠著色  
有至理往往臨摹入小李窮工盡態各含情一代風  
流出十指我公淡宕邁等倫此中巨濟是前身行籌  
似晏雲帆駛坐嘯如琨月色新歎息人間嚇腐鼠荔  
裳蘭佩今何許隔江鷓鴣既無言當戶青山孰可語  
香篆縈簾圖畫開紫薇深處恍蓬萊便疑風竹琤琤

響遂有烟雲冉冉來泉石有神遊有命佳期勝友何  
由併秋茶條例典型空春草流光巾屨盛于今賢路  
甚夷猶紛紛洛蜀一齊休但賜黃扉靈壽杖誰乘白  
髮水仙舟靜對此圖寧無意運甓英雄難把脣人生  
解得逍遙遊西園東閣亦何異當途父子壻詞場綠  
池長坂帶清漳漫誇吐哺迎周士祇領詩人入醉鄉  
此事淒涼已千載餘分閨位空傀儡如何戲作林  
園甘與阿瞞分壁壘豈必丹轂接神飈不如金罍泛  
清宵目送手揮多逸興無生說罷爐烟飄諸賢志節

明鶴鶴此間不是西陵道邱壑何曾貌帝王丹青猶  
得文枯槁可知技高便能傳竹溪買斷待何年黃鶴  
樓前芳草路寫入朱顏也自妍

楊鄂州職方往諭安南歌以送之

年來投老君家酒一飲一詩落我手與君若得久歡  
娛酒可千壺詩千首豈知京洛易離居三殿新傳一  
紙書玉節錦衣束酒客江湖萬里相躊躇南交今是  
皇華路天上雙星過幾度採藥朝鏡勾漏砂談兵醉  
擊珊瑚樹樓船家世陸生才青龍海上聲如雷檄將

質子揚鞭去謝絕陪臣載寶來  
站站飛鳶墮浪泊人生過此淚  
應落大漢神靈今有無空餘  
銅柱立寒雀東越相攻俗使  
然長儒矯詔罷行邊出疆受  
命不受辭此事稀聞已十年

豐城渭水侄為亡室遷葬六月歸省約以八月

再為先王父營遷聞其果來賦此志感

夏杪揚帆日欲焚夏口維舟秋始分  
似輕彭蠡不成水繼過匡廬暇看  
雲牛眠富貴非吾事鄭重前岡老  
父意峻壟平原圖畫來

渭水先寄地圖見示

張衡賦裏亦何異

平田樂畝桑幾株就中可置草堂無  
白髮憑君早定計回車一笑偃菰蘆  
馬城陌上楓林黑干子山前豐碑  
勒龐公上塚獨盤桓歲歲思君在  
寒食

五言律

重九夜坐檢黃敬渝藁得九日詩感和

萬物自衰落非徒時所為人難支  
永夜秋不爽歸期稍習枯清味漸  
當用酒稀愛君學道勇世亂肯相  
隨蕭園獨坐喜孫立中至

城市烽烟後謀棲景易幽徑荒無  
酒掃客至任淹留

飲覺頻來好碁因屢北休商飈何太促麻葛一身秋  
樹出蓬萊殿

瓊宮通北極玉樹倚南天夜動長門月朝含御案烟  
鳥聲清禁落金掌望中連選地神仙窟蟠根老不遷  
送魏純次廷試南歸

秘閣試羣英論文屬上卿豈無天下士喜見故人名  
先世遺清白黎民仰父兄明年當綰綬鄭重此平生

天河

清秋銀漢迴倬彼五雲端箕昴光仍接星辰莽欲繁

微風終澹澹長夜豈漫漫空說支機事乘槎謁帝難  
送朱華允歸試山左

一自朱絃奏翩然移我情入秋垂露筆歸國棄儒生  
海岱誰爭長幽燕久論兵看君旗鼓勝談笑主齊盟  
午日同友人坐雨遲李萬咸不至

萬戶黃金市三年白玉堂到門無俗客對坐有劉郎  
雷雨天何意窮愁醉是鄉遙思弔屈者鼓棹正浮湘

時南安相  
公被誣

其二

李白神仙氣楊雄吏隱心周旋惟我久懷抱向誰深  
艾火添猶冷蒲花濕更沉比鄰成隔絕空憶漢江潯  
出都

敝車輕萬里為有楚山看時事諸賢在閒情一壑寬  
依風驕散馬掠野下高翰候吏爭相識終慚未解官

宿伏城驛

不愛長安好投閒作遠遊衝沙七日後醉月一宵留  
古驛知官貴嚴更散客愁國恩無以報俯首愧鳴騶

過邯鄲呂仙祠

一枕乾坤盡風塵淡客腸是人皆有夢獨醒亦嫌狂  
術士浮東海神仙葬北邙何時成大藥寥寥飽黃梁

早發邯鄲

漏傳初罷箭簫鼓出叢臺老馬凌霜警驚鳥繞月猜  
杯澆趙士盡天捲濁漳來不羨山僧臥吾將漢水隈

滎澤晚渡

廣武雲中出黃河天上來登山笑豎子擊楫幾雄才  
沙起前村失帆高落日回金隄疲萬戶風浪忍相催

鄆陵僧舍贈鄭公靜孝廉

公靜中順天試尊甫潛菴  
起家德安司理歷皖撫

招提清絕地况是鄭公鄉吳楚悲龍卧幽燕啓蟄藏  
高歌存白雪温語破元霜眼底中原盡逢君未敢狂  
寄郊令卜際時年丈

如君百里宰何異服鹽車國本懸民社卿才練簿書  
登臺天樂降披藪古碑餘汝水東南注懷人好寄魚

題郾城署中

莫擬王人貴臨風咽遠沙虛傳郾子國不敝宰官車  
白日防飢虎黃蒿走大蛇使君自有務遑念客無家  
信陽有懷何大復先生

靈山天作對夫子乃生申少已雲霄迴終難龍性馴  
所傳多大節得志豈文人萬古清淮色獨無金石身

其二

憶昔滇南使題詩過沅湘河山三楚接旗鼓一秦當  
後死才仍勁先生道未央漫勞尋墓木吾已媿登堂

贈甘史六十

忽漫成六十對酒且婆娑青眼元亭字朱顏白苧歌  
心長摧鬢髮機少失風波婚嫁非君志生涯五嶽多

贈漢川翼邑侯

魚鑑詩集  
烟水連群盜安危仗一城增陴躬負土屢戰不徵兵  
野靜眠昏犬獄空走畫鷁異時循吏傳特起甌山名  
送李雲田為姊婿李文孫挈家入都

海內吾徒感天涯總一堂友求龍腹急行逐雁行忙  
入洛名猶老研京思不忘霜毫飄郢雪更覺北風涼  
友人將往許墅訪馮敦五戶部久不成行作此

問之

姑蘓常在口何日發江亭過市貧猶懶索游老未經  
楓當十月落草變六朝青忍料黃金使無心問木苓

有僧過談星命賦贈

有客風塵外談天四座驚雅能窺七政何必說三生  
翼軫氛猶惡龍蛇歲不成諸賢誰造命嘆息問君平  
雨中有感示蕭文遠

細雨迷朝暮論心廢糲餐  
碁能消短日酒不敵深寒  
姓字聊供客風波只此官  
終非人負我未忍學王丹  
九江舟中喜王子雲至

寂寞漢陽路年年為我來  
六經深見道八代敢論才  
有憤王丹約無家庾信哀  
郎官湖上月只照兩人杯



其二

不淺懷人興難歸竊祿身江州真有決宦卽似無春  
古道分金少吾徒結綬頻河汾開將相豈復怨沉淪  
自滁陽赴金徽令白集虛同門約

連鑣趨馬帳分袂擁吳城案牘窺經術江山慰宦情  
難堪秋客雨畏解醉翁醒鄭重印須意臨邛浪得名  
吳玉林同年出詩稿索序

論才吾子在大雅未全徵歲月詩為史山川客似歸  
一官垂老怯八口到秋飢莫更覓元宴時名有是非

贈揚州守蕭五雲

藉甚為郎日何慚千騎侯故人真雨散太守自風流  
詩有梅花癖時當木葉秋相看俱楚客同賦不同愁

吳山獨眺

不見杭州好登臨眼一開海潮吞岸去山勢抱湖來  
豪舉存秦壘南有秦望山始皇望海於此偏安失宋臺風塵聊獨

立歌舞又相催

送任生入粵

何可怨西風相淹晨夕同向人誇躍馬憐我為雕蟲

魚鑑詩集  
去已梅花白歸應荔子紅彎弓窺夜月莫又射孤鴻  
彭澤人家獨酌

陶公曾飲此此邑遂成名小郭雲中出白波樹外生  
犬豚常給虎父老日愁兵吾亦昏昏醉悠然萬古情  
得家書知朱開子應恩拔志喜

西風吹不斷只此數行書老友入猶識憐才古弗如  
半生多病後萬里致身初好與高堂道時平莫引裾

小除晚泊

客驚年盡孤舟更暮霞未棲千里雁已宿一枝鴉

兒女喧今夕江河間兩家幾時蠲物役芋火得豪華  
送李潏水先輩分巡建南

南國兵方劇王程馬不停菊花垂驛路荔子落公庭  
地入吳山盡天連海氣青到時鴻欲北應許好音聽

其二

憶昔褰帷日謳吟遍九河大名南斗並小隊武夷過  
行色同秋淡國恩垂老多故人徒有子感舊意如何

贈張漢川體仁

人物三秦美列星百里官盛年為宰易敝邑得才難

至喜春花發行憐雨雪寒繞城嶠冢水只作故鄉看  
送程翼蒼庶常之蘇州廣文任步成杏懷同年

韻

夷猶辭禁苑蕭瑟逐蹄輪且得還家路甘為去國人  
千樽奇字酒一葉等書身束帶看楓落翻嫌未賤貧  
施愚山督學山東

送客秋風裏踟躇起夕磴聲華開道路海岱入登臨  
把卷長年事掄才一寸心靈光高咏罷回首憶知音

其二

清貧知不厭大雅寄斯行吳練應遙矚陽春敢浪詢  
男兒誇魯國季子辨齊聲要使淳風茂干旄致兩生

別申鳧盟

君非懷刺客我亦倦遊人乍見真難辨論文自有神  
詩情如五柳先業本三仁歸路山花滿春風媚隱淪  
送劉地山歸里

垂晚交遊盡虛舟一值君貧添羈旅合歲逼主賓分  
暑冷慚新識官閒異昔聞人生行樂地莫漫說燕雲  
清風臺寓目限韻

躋勝各爭先為茵草似綿坐觀林下趣但覺古人賢  
懶犢眠雲去飢鳥攪野還三春車馬跡小立信因緣

苦雨

遮莫逢天漏連綿豈作霖微茫白日道重疊黑雲侵  
苔色生高壁寒風變夏林何殊三畝宅湖水到門深  
廣平署中閱孫鍾元所作申鳧盟詩序有懷鳧

盟兼示余令君

鳧盟曾結侶茂宰亦吾徒行役真何事離群未敢呼  
論文催髮短學道畏年徂坐羨新詩好蘓門嘯不孤

鍾元隱  
蘇門山

永平久旱試士日微雨志喜

棘院倚幽岑前山一雨臨花枝隨意濯書幌密來侵  
帶景開光燄含風和苦吟終期霖可作慰此望雲心  
病中慰侍兒

爾輩真難養童心覺尚全可憐多病日正值暮春天  
蒸竈因餘熱詩囊藉小眠所期留弱骨荷鋪到林泉  
送家雪巖恤刑山東

我行初稅駕黯爾送孤征壯闕分昆弟東人仰父兄

朔風千里色冬日萬家情聖澤滄溟濶憑君灑貫城  
輓范珠巖檢討兼寄尊甫會菴

四海一何大匆匆奪此賢縱癰非鶴髮論骨豈鳶肩  
麟筆虛東觀鹿車望越船老懷依後死丹旆早翩然  
其二

七年勞翰墨幾日卧瞳矐冷署仍張網高名不御窮  
帶病陪駐輦絕命痛遺弓空有為儒悔三號向北風

贈王阮亭揚州司李

所傳皆太古相見乃同時堪向南山老曾為北海知

輕揚勞執法佳麗約裁詩轉憶蘭臺近烟花怨別離

泊安慶贈凌葵菴司李

傳有神君頌欣然一繫舟江城常帶雨冰署易為秋  
魚鳥樽前樂豺狼窟底愁大賢推許甚謂張撫軍何以答

咨諏

病中感陳健夫遠來診視賦贈

百里秋風路高年不杖來行窩隨處有藥裏逐人開  
竹葉寧無分園松欲且栽何因心血盡辛苦有餘哀

健夫欲予節飲言病  
惟心血少故及之

九日獨坐喜王子相至

吳酒相將遠庭花次第繁方當詩有緒肯對客來殘  
為子頻燒燭嗟予幾正冠故家人澹宕頓使老懷寬  
東昌夜泊不寐有懷張尚書蓬元

但有携家累誰言去國輕十年營一夢萬感入三更  
坐使星芒淡幽知鳥語生西川今日路遺恨繞城行  
除夕懷五舅氏病劇

歲序已云盡余愁祇自縈中年憂肉骨永夜負絲聲  
多病生方貴無兒累亦輕閒看諸弱女益動渭陽情

送風鑑黃鳴陽之汴梁

何心求物色但喜接高論試問三朝事誰為萬古人  
黃金逢爾賤朱紱有余貧更把青銅拭夷門訪隱淪

鳴陽善談  
往代人物

吳門王復旦故僊聲侍御子也痛父殉難哭泣  
失明以營兩世之葬辭家持鉢過余有贈

客路雨瀟瀟深盃訴寂寥長遊忘我貴失勢覺人驕  
忠孝三靈協金蘭四海饒窮交惟老淚和墨伴吹簫  
南康省墓和李梅公司馬見投原韻

豈敢違槐柳其如戀杜蘅不才宜子舍公望實長城  
靜聽禽呼雨閒看木向榮風塵偷上塚終媿鹿門生

其二

翰墨邀元老茲來豈浪遊遙憐敲五字不敢棄三秋  
參語論詩細趨庭作賦優行仙無羽翼還恐滯龍樓  
九日夜飲示蕭秀三孝廉

高館西風夜心傷旅伴稀敢辭漳水濁未息漢陰機  
負我非黃菊何人是白衣明年知共健可得賦將歸

送天津兵備

兩世金蘭舊同朝玉珮新丹心秋後草白髮亂餘人  
折簡逢真主彈冠到逸民惟銜三釜鬼捧檄一傷神

兵備以投  
誠特用

其二

東顧得才難三方控制寬地雖當日近勢必護風寒  
天上帆檣轉雲中島嶼安檐帷堪暫駐征戍罷三韓  
送楊封君南歸

是子能朱紱何人咏白華新豐堪息老舊雨獨思家  
典午恩良渥添丁望不賒前程看桂樹次第到黃花

常元長有詩以破屋漏花香為題索余和韻

抱膝三間裏悠然逆旅情何方妨月入是處得風清  
拂戶遊蜂樂攬香舞蝶輕余懷亦駘蕩愛此衆芳榮  
初雪赴易農飲漸菴賡菴同集

早起衝泥出雪花不化衣俱為高卧客况是讀書幄  
白破青山色飢驅好鳥飛淹留須竟日伴侶歲寒稀

戊申元旦

鸛鷺果夷猶干戈罷九州治朝虛白獸春甸獻青鳩  
殿滿韓王劍人誇晏相裘為儒陪大饗便可賦三休

人日

人生幾人日此日且忘憂未許先鷄狗焉能避馬牛  
老懷閱郢樹世事付青州不見陽春意微茫到陌頭

寄盧柱雪時攝知大名府

鎖鑰南畿重興除太守專何妨官五日留得事千年  
竊祿風霜地讀書雨雪天盡人疎老病頗憶使君賢

送李仁熟請卹南歸

來已楓將落歸猶草未青君恩不信宿客路自飄零  
結友無三歎謀生有一經孝標空涕淚早見鬢星星



堵天柱戶部歸養

龍池違御柳象服拜庭萱人是黃金使家猶白版門  
歡娛親浣滌容易逮鷄豚揮手飛仙楫孤生欲斷魂  
春仲送同年周受天之應山

同日金臺客蹉跎二十年修涂方東帶冥阮看揚鞭  
官路通申戌春星入楚天到應田父喜泥飲百花前

楊鄂州以清明日于祖園賦得清明郊遊四韻

見示率爾步和

出郭宜今日東風肯放晴萬山當戶碧一水過橋清

携酒尋深樹停歌聽遠鶯暫時拋故國社鼓亦同聲

其二

獨坐看連轡春光好處行過牆村酒熟上塚淡妝明  
暖逼青陽老風吹白日傾無人安伐木何處響丁丁

其三

同是南冠考江魚久定交孤踪違紫禁接席坐青郊  
樂土聞吟岳清時罷振鏡提壺知勸飲問客故交交

其四

盤餐憐遠市何事不淹留解得逍遙意居然汗漫遊

苔痕侵蠟屐花氣作香篝酒力因寒減方知歎敝裘  
送介菴侄令仁化

吾宗真淡蕩出宰識心期地僅逃征戰君當問渴飢  
振衣蘆石上繡像曲江祠竊祿無多日相逢及未衰  
送單拙菴前輩稱病東歸

幾日還朝客鄉思蚤浩然來非王式意去應魏舒先  
獨立真無地羣飛欲刺天急流亦有叙次第著歸鞭  
其二

今日孫宏閣當年著作廬苑枯事至此車笠意何如

門掩鷗群定天空鶴病除襟開中夜嘆未就

孝陵書

程孺人六十

齊雲神女降隱霧令妾傳詔母晨葩將離水以  
黃花明晚浦青鳥下霜天漸可疎人事頻頻海西  
送鄭亦懷同千頃南歸

向者君安在論交及二毛忽驚詩伯去誰誇酒徒豪  
五兩南風競千帆北運勞路難看悔仕無乃總江皋  
寄魏二慕崑山令

東南事至此獨不嘆流亡吏畏星芒正官知月計長  
海雲垂四野秋色淡三江太僕祠何在為余蒸辦香

寄邵山陽時從潮州

聞道山陽宰艱難倍揭陽不緣輕執法只是重循良  
江鯉過淮少吳旂抵潞長應憐飢朔老風雨閉秋堂

寄江念鞠時同知蘇州府

北風終夕話南海十年心黯黯分春水悠悠急暮砧  
苗新愁白羽楓老望丹旆欲乞江淹賦行歌夢澤深

七言律

